

UNIVERZITET U TUZLI
Broj: 01-9-JN-9/17 LOT 5
Tuzla, 17.03.2017. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. Statuta JU Univerzitet u Tuzli, a nakon razmatranja Zapisnika Komisije o pregledu i ocjeni ponuda broj: 01-9-JN-8/17 LOT 5 od 10.03.2017. godine, po punomoći Rektora Univerziteta u Tuzli broj: 01-1052/17 od 17.02.2017. godine Direktor za ekonomske poslove donio je:

O D L U K U **O IZBORU NAJPOVOLJNIJEG PONUĐAČA**

I

U okončanom Otvorenom postupku javne nabavke računarskog potrošnog materijala za potrebe Univerziteta u Tuzli sa sukcesivnom isporukom do 31.12.2017. godine (LOT 5), izabran je ponuđač „Defter“ d.o.o. Sarajevo, sa ponuđenom cijenom od 14.457,34 KM sa uračunatim PDV-om, te se istom dodjeljuje Ugovor o nabavci.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i što je u odnosu na zadani kriterij odabira „najniža cijena“, te uz primjenu preferencijalnog tretmana domaćeg prilikom poređenja imala najnižu ponuđenu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostavi original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

O b r a z l o ž e n j e

Univerzitet u Tuzli pokrenuo je postupak za izbor najpovoljnijeg ponuđača za nabavku računarskog potrošnog materijala za potrebe Univerziteta u Tuzli sa sukcesivnom isporukom do 31.12.2017. godine (LOT 5) putem Otvorenog postupka javne nabavke broj: 01-9-JN-1/17 od 03.02.2017. godine objavljenom na Portalu javnih nabavki e-nabavke broj: 795-1-1-24-3-13/17 od 09.02.2017. godine, „Službenom glasniku BiH“ broj: 11/17 i WEB stranici Univerziteta. U ostavljenom roku ponudu su dostavila dva ponuđača, i to: „R&S“ d.o.o. Sarajevo, i „Defter“ d.o.o Sarajevo. Nakon javnog otvaranja ponuda Komisija za javne nabavke izvršila je detaljan pregled dostavljenih ponuda te utvrdila da su svi ponuđači dostavili sve dokaze zahtijevane Tenderskom dokumentacijom zbog čega su ocijenjeni kvalifikovanim za dobro obavljanje posla a njihove ponude ocijenjene su prihvatljivim. Takođe, Ponuđač „Defter“ d.o.o. Sarajevo dostavio je dokaz tražen tačkom 4.7. Tenderske dokumentacije kojim dokazuje da je 50% od vrijednosti ponuđenih roba porijeklom iz Bosne i Hercegovine. Zbog navedenog u odnosu na ovog ponuđača, a u skladu sa Odlukom o obaveznoj primjeni preferencijalnog tretmana domaćeg „Službeni glasnik BiH“ broj: 103/14, Komisija je prilikom poređenja ponuda kvalifikovanih ponuđača ponudu navedenog ponuđača umanjila za 10%.

Prihvatljive ponude kvalifikovanih ponuđača Komisija je poredila u odnosu na zadani kriterij odabira "najniža cijena" nakon čega je sačinjena slijedeća rang lista ponuda po povoljnosti:

1. „Defter“ d.o.o. Sarajevo
2. „R&S“ d.o.o. Sarajevo.

Budući da ponuda ponuđača „Defter“ d.o.o. Sarajevo, u svemu zadovoljava zahtjeve Univerziteta predviđene tenderskom dokumentacijom i ima najnižu ponudenu cijenu to je Komisija predložila da se istom dodijeli Ugovor.

Cijeneći izneseno, te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba ugovornom organu Univerzitetu u Tuzli u roku od 10 (deset) dana od dana njenog prijema, na adresu dr. Tihomila Markovića broj 1.

Prilog: Zapisnik o pregledu i ocjeni ponuda broj:
01-9-JN-8/17 LOT 5 od 10.03.2017. godine

DOSTAVITI:
1x svim učesnicima
1x a/a



DIREKTOR
ZA EKONOMSKE POSLOVE

Fuad Čerčić, dipl.oec.